















Case

F

39

.326

1616g

1616 2050 2013
LE
CATOLICON
FRANCOIS.

Par l'admirable Guillot le Songeur.

AVX BONS FRANCOIS.

M. DC. XVI.

THE NEWBERRY
LIBRARY

CATOLICON FRANCOIS.

Par l'admirable Guillot le songeur.

Aux bons François.

SI par cōmencer par le suis, l'on veut m'interrompre, & dire que ie suis vn sot, ie le cōfesseray: mais aussi ie repliqueray que ceux qui dirōt cela aupara-
uant que de m'auoir consideré ny entendu, seront plus sots que moy.

Ie suis donc cēt homme dont il est parlé par tout où le Soleil esclaire, ie suis cet illustissime Guillot le Sō-
geur, ie suis cest hoste vniuersel lequel ne se voit point, & qui suis de si petite Taille, que le plus petit cabinet du Louure me pourroit facilement contenir & neantmoins ie contiēs la plus part du mōde, mais pour mon profit ce n'est qu'en pensee. Il suffit qu'a ceste condition imaginaire ie loge ainsi chez moy grands & petits, & à leurs despends. Car outre que ie n'aurois non plus de moyen que de volonte à faire vne telle despence, ie ne prēdrois nul plaisir à deffra-
yer tant d'estrangers, si ce n'estoit en songe. Mōsieur le Vicomte de Paris n'en loge que fort peu dans sa maison: & toutesfois (quoy qu'elle soit la plus grande de la ville) elle ne peut assez dignement accom-
moder leurs grandeurs, ny sont tres grand reuenue ne peut non plus rassasier leurs insatiables appetits.

Ledit Vicomte est contrainct de leur abandonner sa maison, & venir loger quelquefois chez moy pour songer à son affaire, c'est avec iuste raison, aussi y est-il le tres bien venu, & voudrois qu'il n'en bougeast, afin qu'il songeast luy-mesme à ce qu'on ne veut pas songer pour luy.

Peut estre que quelques-vns en me desmentâr, (sâs y songer & sans me cognoistre) diront que l'on songe plus audit Vicomte que ie ne dis : mais ie leur respondray, si l'on y songe, que c'est pour changer les plus vieux & plus fidels seruiteurs de deffunct sô pere & deluy, en des gens si nouuellement mis en lumiere, que tous mes hostes, de quelques diuers pays & dissemblables aages qu'ils soient ne les cognoissent point. Je leur respondray, que c'est pour voir, nō seulement s'il â encor beaucoup d'argent dâs ses coffres, mais pour l'en tirer au plustot: que c'est pour luy faire iniustement conceuoir des haynes contre ses plus fideles qu'innocents parents, & luy vouloir faire aymer ses plus grands & traistres ennemis. Que c'est pour changer les fermiers de bonne foy, en des larrons, qui se veulēt incontinent approprier de son heritage. Que c'est pour destourner & mal traicter ses bonnes & fidelles abeilles. Que c'est pour luy en desrober le miel, & pour en vendre la cire, à prix autant concussionnaire qu'iniuste, & le tout sans qu'il en vienne aucun profit à la bourse dudit Vicomte, ny qu'on en employe seulement par chacun mois vne liure en luminaire pour esclâirer la triste fosse où est enterré deffunct son dit pere, d'où S. Denis rougit de honte, pour sa vefue & les heritiers.

S'ils continuent à me desmentir, ie leur respondray, Si l'on songe audit Vicomte, que c'est traistreusement pour mettre le loup dans sa bergerie, que c'est pour tacitement souffrir que les bornes de ses voisins & ennemis s'auancēt peu a peu dâs ses domaines: que c'est pour relâcher son autorité au mespris, pour alterer l'affection de ses bōs subiects, pour le destourner de la cognoissance de ses affaires, pour luy faire passer les plus beaux iours de son âge en des exercices indi-

gnes de luy: bref, ie respondray, si l'on y songe, que c'est pour sa ruïne tant seulement.

L'on peut bien iuger si ce que ie soustiens n'est pas veritable, en considerant que la pluspart des officiers & suiets dudit Vicomte qui viennent loger chez moy n'y sont conduits ou que par l'ambition, ou que par les esperances, & ne s'y entretiennent que par la persuasion imaginaire de leurs interests, & de leurs trop veritables tyrannies. Il y en loge quelques autres d'humeurs & d'ames differentes, mais c'est en fort petit nombre, & ceste difference est qu'ils n'y viennent accompagner que de regrets, & ne s'y entretiennent que par des craintes de voir pis aduenir.

Je remarque encor entre eux vne grãde difference, qui est que les premiers songent promptemēt le mal, puis l'excutent avec pareille diligence: & les derniers estant plus longuemēt mes hostes, ne font que songer aux maux des maisons & terres sans en oser entreprendre la guerison.

Quelques vns neantmoins semblent en se resueillant me vouloir quicter pour s'entretenir d'autres choses que de songer, & recognois entre ceux-là vn cousin dudit Vicomte, de qui les vertus comme palmes (vrais symboles des courages & triōphes acquis à ceux de son beau nom) cōmencent à surmonter les violences dont elles ont esté long temps contraintes & violentees: Je remarque aussi des gens de iustice à qui on a voulu oster l'espee, la balance, & la parole, lesquels commencerent à se mettre en deuoir pour remettre ses iustes armes en vigueur, & en exercice (nonobstant les nonobstāces de leurs premiers chefs a longues robes.) l'en remarque encor plusieurs autres de toutes conditions (non compris la societé de Iesus en abrégé) ausquels la parole reuiert avec le courage.

Et tous ceux-là recognoissans & ressentans n'auoir
que trop songé chez moy, considerent bien qu'ils n'y
peuuent plus retourner au prix, qui leur en couste des-
ja sans se faire eux-mesmes vn tresgrand preiudice.

Serois-ie pas le plus riche des riches si tous les ho-
stes que i'ay logés despuis cinq annees me payoient
seulement vn sol pour chascun giste. Toutes nations
me deueroient cinq annuels à la mode de France, &
de la paulette; car l'on ne m'a pas encor payé vn seul
denier, & croy qu'avec raison tous les subjects dudit
Vicôte ne me pourroient desnier ledit droit, si ce n'e-
stoit vn ieune Seigneur Orleánois lequel ne se pouuât
addomestiquer chez moy, a fait voir que l'esperance,
la crainte, l'ambitiõ, les promesses & la vanité ne l'ont
peu non plus rendre mon tributaire qu'idolatre d'vn
homme de quintaine, & d'vne Imperatrice de sabat.

La mere dudit Vicôte ne me feroit pas des moins
redeuable, car elle a esté bien souuent mon hostesse,
& assez long temps pour m'auoir fait recognoistre
ses inclinations & ses humeurs: elle a sans contredit
l'ame bonne, & droicte conscience: mais i'ay bien
aussi recogneu comme trois ou quatre demons d'in-
fidelité & vne enragee sorciere, en luy reprochant
qu'elle a trop demeuré & songé chés moy, l'enga-
gent insensiblement à des choses dignes d'eux, & non
d'elle: toutefois quoy qu'elle face, elle en doit estre
excusable en partie, d'autant que ce sont les tyran-
nies des vns, & les charmes de ceste sorciere qui en
sont coupables; & ce qui preuue autant son inno-
cence que leur crime, c'est qu'elle confesse assez sou-
uent qu'elle recognoist bien leurs violences tyran-
niques, leurs larcins & leurs sortileges, mais qu'elle ne
s'en peut ny desgager, ny deffendre.

Ces bonnes gens qui vont psalmodier à Charanton

ne seront pas aussi des moins imposez en ceste taille, si elle se leue, ce s'ont ceux-là qui font plus de demeure chez moy: mais à vray dire, ils y viennent avec plus de raison que ie n'en aurois, si ie leur faisois rié payer cōtre tout droict d'hospitalité: car par routes les regles de ma science denonciatiue, ie ne remarque en leurs songes que de tres-bonnes intērios pour servir ledit Vicomte à l'encontre de tous, sans en excepter celuy qui regne maintenant dans la grande ville, que le Connestable de Bourbō print, & où il mourut. Ils ne laissent en songeant de craindre qu'on ne leur dōne à la fin que trop a songer; c'est à sçauoir au general de leur confrairie, y cōprenant leurs chefs, dont l'un est desia assez empelché à songer (sauf les droicts de l'autrui) au doux & vtile maniemēt du taillon: l'autre songera s'il peut autant qu'il deueroit aux iours de soupplēse de sa ieune femme, laquelle sās y songer a quitté la doctrine des Euangel. S. Ieā & S. Luc, pour se faire instruire avec cōsentemēt de sa mere, en l'humaine distillation de l'eau de Candale, & aux supplētations fraternelles d'un Abbé maritime. Le troisiēme songera s'il veut à dōner graisse & grace à sa maigre partie, sur les traicts qu'elle luy a faicts ou bien il songera s'il ne poursuiura qu'une seule abolition de ce cas, & le mettre en cōmun, avec les horribles assassins, les concussions, & les innombrables vols d'ont est conuaincu son bien-aymé le vicomte de Panna. Le quatriēme songera tāt qu'il voudra, & sans qu'ō l'en puisse empescher, car il ne sōge que Tresfort, en toutes choses Tresfort, a passer doucement sa vie, Tresfort a cōseruer son autorité souueraine, & Tresfort à la multiplication de ses deniers, exerçāt sans fin toutes ces vertus là, sans songer d'enprēdre l'aduīs, ny de son gendre, ny de Buillon, & non plus des Curez de

Charantô & de la Rochelle. Le cinquiesme songera
 tousiours & tant qu'il voudra, aux moyens d'eleuer
 de plus en plus le throsne de saincteté Romaine, tât
 à la Rochelle qu'à Saumur. Le sixiesme n'est pas digne
 d'estre mon hoste, car il a beau songer & resonger en
 ses eslection, il Choisit mal, il Choisira mal, & a fort
 mal choisi. Le septiesme a du tēps pour songer, aussi
 en a il besoin, d'autant qu'ô veut ôster a son derriere
 l'vsage des sieges fleurs de lys & d'hermines & l'en-
 uoyer tenir les Estats a sainct Michelen l'air.

Ainsi la pluspart du monde doit songer: Et moy qui
 suis chef & patron des songeurs, ie songe plus qu'eux
 parce que c'est mon seul entretiē: d'ailleurs tous ceux
 qui m'ôt visité durant les cinq années dernieres, m'ôt
 si fort entretenu des mescōtētemēts qui sōt entre les
 domestiques & suiets dudit Vicōte, m'ôt tāt estour-
 dy des estrāges & extremes faueurs d'un Coyō estrā-
 ger, m'ont si fort estonné des grands biens, des gou-
 uernemēts, places fortes & puisāces qu'avec infide-
 les aydes il soustraiēt à ce ieune Viconte, m'ont tant
 espouuenté des enrageries, diableries, concussions &
 tyrannies d'une chābriere magicienne, m'ont tāt fait
 hayr le Conseil infidel dudit Viconte, m'ont tāt re-
 présenté le peu & point d'hōneur qu'ô rēd à ses plus
 proches parens, & le diuertissemēt qu'on fait de leur
 naturelle & necessaire autorité, m'ôt tāt fait esmer-
 ueiller du peu de liberté qu'il ya eu aux Estats gene-
 raux tenus à Paris, m'ont tant rebattu par le recit des
 corruptions & commerces que Bullion faisoit parmy
 les trois ordres desdits Estats, m'ôt tant fait rire en me
 racontant comme le grād Sellier dudit Viconte selle
 & bride les asnes comme il veut, m'ont tāt assōty en
 m'aduertissant comme les Tourangeaux ont esté en-
 chaînez d'un pasteur qui est plus grāde beste en qua

lité d'asne & de bœuf, qu'ils ayent iamais ny veu ny gousté. Et m'ont tant disje, esmerueillé en m'apprenant que plusieurs hommes autāt & plus maleficiers d'ames que de corps ont mesprisé & cōdāné les salutaires remōstrāces de la plus auguste cōpagnie qui soit so^l le Ciel: ils m'ōt disje tāt esmerueillé & tant affligé des choses cy deſs^{us} que ie ne fais pl^{us} que des sōges fort estrāges entre lesquels ma memoire sōgarde en a recueilly quelques vns que ie rapporte sans toutes fois vouloir preiudicier a persōne ny a cet aduis que Canton m'a donné autrefois. *Somnia ne cures.*

Durāt les dernieres heures d'une assez fraiche & humide nuit, le sommeil s'estoit bien rendu maistre de tous mal sens mais le souuenir de ce que tous mes hostes m'auoient raconté, le contraignit de laisser à mes imaginations la liberté d'entretenir mon esprit & luy faire voir vn tres magnifique Palais, lequel sembloit estre situé aux faubourgs S. Germain.

Ie voulois cōsiderer peu a peu la riche & industrieuse Architecture dudit palais, n'eust esté qu'une grande rumeur m'empeschant de ce dessein me fit tourner la veüe & l'ouye vers le superbe portail dece grād edifice. La i'aperçeu vne grāde foule demōde, dās laquelle ie recogneu quelques Picards, me les imaginās tels, parce qu'à tour de roolle ils expliquoiēt a tous venās vn Rheb^{us} esleué & tailé en pierre de liez sur la principale porte. C'estoit vn estuy de pigne posé sur vn A, ayant au costé d'iceluy deux rats, denottāt par la que pour auoir ceste entree libre il les falloit exécuter & interpreter ainsi : A P O R T E T V Y E N T R E R A S. Ie prins garde que parmy ladite presse l'ō en laissoit passer d'autres sās les arrester à ce Rheb^{us}, ie pēſay lors qu'ils auoiēt desia esté leās avec entiere liberté, tant de portes de derriere que celle de deuant.

deuant. Et ce qui me confirma en mes opinions, fut quand ie les remarquay habillés à l'Espagnolle & à l'Italienne. Cestoit vne merueille de voir ceste grāde presse deuant cedit Portail, & c'estoit vn grand plaisir de voir vn Messer Abrahin medecin Iuif, lequel visitant ces offrandes que chacun apportoit: disoit, *Signori chy ha uette portato la qua, dy Bourbon; il vino, d'Orleans, è il formaio, dy Neuschastel, tornate, tornate in duo propter causam.*

Outrepassant ledit portail & vne grande Court toute remplie de peuple, i'entray dedans la grand' salle où ie vis arrangez en bonne ordre grand nombre de sieges de fripperie & de menuyserie, estant desia la pluspart occupés de différentes personnes entremeslez les vnes dans les autres, selon les loix du lieu, ie vis aussi au bout de ladite salle vn theatre esleué d'environ quatre pieds, ionché d'yris de Florence & encourtiné de ratine du mesme pays, sur lequel paroilloit assis en posture de faiseur d'affaires vn homme d'assez breneuse mine sur vn tabourin deffoncé, d'où sortoyent plusieurs enseignes de taffetas rouges tout neuf, plusieurs espees dās leur fourreau, & beaucoup de troussaux d'autres armes liées ensemble, comme n'ayant iamais seruy.

Ce plaissant apparat auoit tant de diuersités que ie ne m'en pouuois desbroüiller ny comprendre l'elevation de ce seigneur assis sur vn tabourin, sinó que i'entreuis vn bon compagnon qui disoit en riant.

Pardieu ceste assiette n'est ny belle ny bonne: sur tout à l'ouuerture de ceste solemnelle assemblee: car au lieu que, *l'Illustrissimo Conchino conchiny*, deuroit honorer les armes, il semble qu'il les Conchie.

Derriere ledit tabourin l'on voyoit vn homme ayant à ses costez grāde troupe de ces coyons de mi.

francs, lequel homme ne ressembloit pas tant à vn chastré qu'à au gouuerneur de Monstreuil, il portoit pour marque de son cōmandement & capitainerie des gardes dudit, *Conchino Conchiny*, Marechal auorton de France, vn baston que le tres-Reuerend Archeuesque de Tours auoit tourné tandis qu'il estoit menuisier à Floréce. Et ceux qui disoyent ce la croyoient que ledit bastō auoit esté fait du bois de Dury, d'autant que toutes les fois que ledit Capitaine le souleuoit pour imposer silence, il faisoit peur à toute la coyonnerie, & faisoit vesir d'apprehension celuy qui presidoit sur le tabourin.

Les signes de ce baston mysterieux n'eurent pas plustost signifié le silēce, que ie vis sortir de derriere le theatre vn grand homme maigre, ayant à dos vne cotte d'armes, non de toile d'or, non de velours, ny d'autres estoſſes de soye, mais de pennes, autrement plumes, qui est le blason des armoiries dudit Marechal, & l'indice des peines qu'il doit souffrir quelque iour, tous ceux qui consideroient ledit grand homme disoiēt voila vn Roy d'armes, lequel au lieu d'estre tout fleury de lys tāt dessus que dessous sa cotte d'armes, n'est couuert que de plumes, comme les Indiens, & se promettant bien quelque action digne de luy & de son habillement, rendirent tant d'obeyssance au susdit baston, qu'il sembla que la mort leur eust fait faire par force, ce qu'il deuoit rendre par raison au respect du lieu tāt le calme y fut grād.

Aussi tost ce dit Roy d'armes s'estant aduacé plus auant que ledit theatre s'escria par trois fois: *Or yez, Or yez, Or yez*, ce qui estonna toute l'assemblee, estimant que c'estoit les tristes annonces de quelque execution de iustice. Mais luy-mesme aussi tost releua les auditeurs de ce doute, & dit tout hault qu'al-

lant autres-fois consoler la Conciergerie de la Conciergerie sur le trespas de son mary, il auoit tant de fois ouyr pronocer ces funestes paroles au bourreau de la ville, qu'il lesauoit tousiours à la bouche, & au souuenir, & changeant de notte il monstra au doigt ledit Marechal Conchino, & dit.

Voicy l'honneur de la quintaine.

Messieurs, voicy le Roy Petault,

L'espoir d'un plus haut eschafaut

S'il n'est soldat ny Capitaine,

Je iure sa fièvre quartaine

Que son cœur pèche en ce deffault.

Cette publication ayant esté faicte, ie vis vn grand hōme se leuer sur les pieds, lequel ie n'auois point encor apperceu, & remarquant les traicts de son rude visage i'en fis recognoissance pour l'auoir veu loger chez moy, lors qu'il estoit autant miserable valet que deschiré pedant. Puis le considerant d'auantage i'eus souuenance de l'auoir encor veu iouant vn autre personnage en ma maison, ou il songeoit toutes les nuits comment le lendemain il pourroit gagner vn testō au palais pour en faire racouter ses sauttes & sa soutane de taffetas, laquelle estoit si trāsparēte & doctoralle qu'elle se decouppoit toute seule sās ayde d'aucuns outils ny ciseaux, Le regardāt de plus en pl⁹, ie me ressouuiēs qu'il auoit esté à mon logis encores autrement, & qu'à force d'y songer il auoit trouué moyen de chasser tout l'ordre du Conseil dudit Vicompte, & d'en esloigner les plus vtiles, experimentez & fidelles Conseil^lrs, afin de plus aysement esleuer ce Roy Petaut en i n throsne & s'establis au Conseil indirect de la direction, où en effect il a esté en la qualité de simple directeur, puis en celle d'intendant, mais ce qui m'estonna de

plus, ce fut qu'après l'a uoir veu en toutes les disproportionnées vacations cy dessus: ie le vis en ceste compagnie tenant vne grande espee haute & nuë, laquelle n'estât pas si droite que celles qui sont sur l'hostel de Montmorancy m'estonnoit de ce deffaut, n'eust esté que m'en approchât ie, recognus qu'elle n'estoit que de plomb: & au téps mesme i'entendis quelques vus qui s'entredisoient: Ceste allumelle est autât digne de ce Cōchino monarque à la courte espee, que de Dolé son Connestable a la longue robbe. Tandis ce grand rustaut ridant son petit front, & le faisant mouuoir comme les singes quand on les fasche, fit plusieurs pedâtesques reueréces vers le theatre, puis s'estant remis sur son siege, & branlant tour doucement ladite espee de peur de la fausser, il parla ainsi:

*Puis que i'en suis depositaire,
Les Coyons sont en seureté,
C'est vn regne d'eternité
D'auoir d'ffaiēt le ministere,
Et prins sans clause de Notaire
La souveraine authorité.*

Ceste harangue fut si tost prononcée que chacun de la compagnie sembloit regretter d'auoir obserué vn si long silence pour si peu de chose, & la risée generale commençoit à faire vn si grand bruit, qu'il eust incontinet excédé celuy qui se fait à dix heures au Clastelet, à trois heures à la foire S. Germain, sans que le Capitaine des gardes fust dit, en sigifiāt le *tacet*, *vt supra*, feit esperer quelque chose de meilleur.

Aussitost que le bruit s'accorda, & que la compagnie se fut remise en ordre, l'on entreueid vn petit homme caparaçonné de soutane gauchere & d'une robbe longue, lequel se leuoit avec si grand peine, qu'il faisoit peiner ceux qui le voyoient iusques, à ce

qu'on'apperceust que c'estoit vn cul, qui trop gros enleuoit avec soy vne fort lourde chaire de bois, apres quoy plusieurs s'employèrent pour les desassembler, ce qui ne ce fit passas nouuelle risée. Finalement le bastō du Capitaine fit encore sommatiō generale pour le silence, & lors ce petit bout d'homme estāt d'ahan tout fumeux par la teste, tout huilleux par le visage, toussa trois fois, en cracha six & posant ses mains agiles sur son gros ventre, il prononça ces paroles. Messieurs, si vous auez des yeux vous voyez icy Monsieur le Marechal, & si vous auez des oreilles vous auez peu entendre par la bouche de Mōsieur son Cōnestable ce qu'il vous promet pour la seureté de vos personnes, fiez-vous y, ou ne vous y fiez pas; toutesfois si vous m'en croyez, vous n'en douterez nō plus que du serment Martial que mondit sieur le Marechal vous a fait plusieurs fois sur cest indomptable espee, où faisant autremēt, se seroit courir la fortune de son indignation, & des basses œuures de son executeur nommé Darquié, lequel neantmoins par faute d'auoir lié les bras & les mains du sieur de Ribérpré, ne peut faire l'execution, & assassinat qui luy auoit esté commandé.

Quant à Monsieur le Connestable & quāt à moy, quant à luy il vous a parlé en chef des armes de mondit sieur le Marechal, quant à moy ie vous parleray comme chef de sa iustice: à quoy i'ay l'ame si fidèlement portée, que mes balances se trouueront tousiours aussi iustes que la susdite espee se trouuera redoutable, aussi en ma charge il n'arriuera iamais faute, de quoy l'on ne doute nullement, car l'on scait bien quelie puis estre.

*Je suis en despit de ma panse,
Essné par bonds & par sauts;*

*Au maniment de deux grand sceaux,
 Honny soit-il qui mal y pense:
 Mais le moindre est celuy de France,
 Car Monsieur a plus de Vassots.*

Car messieurs les Conneftables Dolé, & Chancellier Bulion, ayant proportionné & réglé leurs harangues au digne subiect qu'ils en auoient, les firent fort courtes, mais cest abregé fut encores assez long pour les loüanges & feuretés qu'ils vouloient dōner à toute la compagnee Coyonnesque. Quelques vns des plus ieunes & tendres veaux vouloient applaudir, quand leur frapement des mains fut interrōpu par vn plus pesant bruit, qui estoit celuy d'un bassin.

Lors chacun de l'assemblee ne se contentant pas d'ouyr ceste harmonie, ressemblant à celle des pardons, en chercha la cause pour en donner pareil contentemēt aux yeux qu'aux oreilles, aussi tost vn peu plus auant que lesdits harāgueurs, l'on apperceust effleué sur vn haut scabeau ledit bassin, lequel estoit fait par diuerses separatiōs; cōme sont les bassins qui mandient dans les Eglises, pour d'autant plus facilement distinguer les differētes mōnoyes. L'ō remarqua aussi deriere ledit bassin celuy qui le faisoit raisonner, le frappant avec deux morceaux de bois en forme de cliquettes. Les vns disoient en le cōsiderant qu'il ressembloit aux pourtraicts que lon fait de Simon le Lepreux. Les autres disoient que cestoit Barbin, ce qui ne demeura pas long temps en toute; car en prononçant les vers cy dessous, on recogneut bien à sa voix rhumatique & nō harmonique que c'estoit ledit Babin. Mais pour ne faire perdre les gageurs qui auoient esté faictes sur ce subiet, il fut resolu qu'ō le prédroit desormais pour ledit Simon, & pour luy mesme, & qu'on escouteroit ces rithmes lepreuses:

*Une fois, deux fois à l'offrande,
 Monsieur veut planter son coussin.
 Sur Picardie & Parraassin,
 Apprenez ceste sarabande.
 Pour estre en Cour ou grand ou grande,
 Il faut cracher dans le bassin.*

Les plus curieux peurent voir comme il y auoit beaucoup de misteres dans ledit bassin, il estoit fort grand, fort profond, & estoit diuisé en plusieurs parties par des lames d'argent, regnantes depuis son centre iusques à son bord: chacune desdites parties estoit encores diuisee circonformemēt à plusieurs parcelles; ce qui n'eust pas esté fort facile à entendre n'eust esté que sur le bord dudit bassin estoit graué en grosses lettres à la façon de chacune desdites separations, C'est à sçauoir aux vnes toutes les prouinces du Royaume de France, aux autres estoient graués ces mots; Maison du Roy, maison de Monsieur, maison de Madame, maison de la Roynne qui doit venir, de quel pays qu'elle puisse estre, Maison de Madame Chrestienne. Et dans le fonds de chacune partie trauiersalle estoient aussi grauez en grosses lettres les noms par rangs des trois ordres du Royaume, & des principaux officiers d'iceux: mais sur tout esleués en forme de cassollette double, deux vases sur le centre dudit bassin, où au costé du plus haut on voyoit graué en lettres Italiennes ce nom, Rome, & au costé de l'autre vase inferieur, on voyoit aussi graué en lettres Marannes c'est autre nom, Espagne.

Au commencement peu de personnes allerēt à ceste offrande; ie remarquay seulement vn homme habillé comme sont ordinairement les Nonces, lequel s'aduāça le premier, & apres auoir fait vne reuerēce à la Romaine à Monsieur le Marechal, il s'achemi-

na vers ledit bassin, & dans le plus haut vase il mit avec grande ceremonie quelque oblation que ie ne peu remarquer. Vn autre homme fort maigre & a teste marotine portant au manteau vne Croix *San Iago*, s'aduança le second, puis ayant fait semblable ceremonie que son deuancier, mit dans l'autre vase quelque present qu'on ne vit nō plus que le premier. Neantmoins en songeant ie m'imaginay que ce n'estoyent pas reliques, d'autant que le garde bassin ne les baissa point, mais salua seulement ceux qui s'estoyent ainsi reclamez au son des cliquettes. Quelques autres marcherēt apres, & ayant posé leurs offrandes aux lieux de leurs despartemens, le semonneur leur bailla (ainsi qu'il me sēbla) quelques petits morceaux de papier, soubsignez *Conchino Conchiny*.

Or la foule n'estant pas encore assez grande à ceste offerte, au gré du chef de la compagnie, il fit signe de la teste & de la main qu'on s'auancast. Lors au costé dudit bassin parut assis sur vn puiot (cōme sont plantés les moulins à vent) vn homme à barbe noire, faicte en langue de serpēt, vn homme frizé en Damoiselle, & vn homme si fort aduantageux en grande & grosse fraize, que le vent en y soufflāt luy fait faire, au grand estonnement de l'assistance, trois ou quatre piroüetes sur le cul, mais en fin & tousiours son visage tourna vers l'idole de la faueur.

Ceste souplesse le fit d'auantage considerer, ce qui ne fut toutesfois que par derriere, ne monstrant aux spectateurs que ceste partie, à laquelle estoient attachez plusieurs tableaux, non d'armoiries, comme les corbeaux & crieurs de Paris portent, mais pourtraits lesquels representoyent assez bien le Duc de Sully, & plusieurs autres ausquels ce beau fraizé a fait bāqueroute, & au dessous desdits tableaux estoit escrit, *Cosi va il mundo.*

Après

Après que la compagnie eust considéré assez long-
 temps ceste giroüette en forme d'homme, on luy
 veit faire vn demy tour de la teste par sur l'espaule,
 & en mesme temps l'on entendit sortir de sa bouche
 ces paroles poisées & nombrées:

*Icy, Messieurs, l'on y debite
 Offices, Sceaux & maint Edict,
 Que la chambre (sans contredict)
 Passe contre la loy escrete:
 Mais si Monseigneur ne s'acquiesce,
 En me faisant ce qu'il a dict,
 Je les rends esgaux en credit
 Luy & la Reyne Marguerite.*

Ceste harangue verifiée estant finie, i'aperceu en
 place vn maistre drolle, que ie recogneu pour l'auoir
 veu faire le fat chez les grandes Dames, faire le veau
 par tout, faire l'homme d'estat parmy les femmes de
 chambre, faire le cerbere aux portes du Cōseil, faire
 le sot à pied & à cheual, faire l'insolent par toute la
 maison dudit Seigneur Vicompte de Paris: il sem-
 bla que sans manteau il sortoit d'entre les iambes de
 cest homme faizé, puis ayant fort grimassé sans faire
 aucune reueréce, ny au tabourin, ny au tabourineux,
 il dit en voix de pucelle: Messieurs, ie meure, il me
 semble que ce braue homme en forme de moulin à
 vent a dit vray, au moins ces discours me plaisent
 plus que ceux du marquis de Cœuures; vn autre plus
 grassot s'approchant de luy l'arresta tout court, en
 luy disant tant seulement; Paix Monsieur l'Husier
 general & riual de Denis, vous n'allez pas moins viste
 de la langue que vous auez fait autrefois dru & menu
 des pieds, nō pas à caprioller par haut, mais à voltiger
 terre à terre, comme bon phantassin, rendez hōneur
 à qui vous le deuez, & defferez aux gens de la caualle-

rie. Je cognoissois bien ledit Huissier par toutes les qualitez cy dessus, mais ie ne l'auois cogneu poltron qu'a ceste heure là qu'il demeura sans parler & sans mouuement, & ce qui deuoit aggrauer sa poltronnerie, c'est que ce silence ne luy fut ordonné que par vn Capitaine si fort reformé, qu'il en auoit perdu ses armes en qualité de Capitaine Mouceaux. Mais apres auoir rappellé ma memoire, ie confessay que monsieur valoit biē madame, & que par ceste poltrōne humenteur ils vouloient tous deux plaire à mōsieur le Mareschal, tesmoins ces vers que ledit Mouceaux recita:

*Jcy son excellence enseigne
 Les ars de poltron euident,
 Achil' le fut en deuant
 N'en desplaise au Roy de Coquaigne,
 On perd, qm ce bel art desdaigne,
 La substance par l'accident.*

Alors que par la fin de ces vers l'on croyoit que ce Capitaine reformé, & ce lacquais metamorphosé en Huissier general des cabinets, auroient finy toute la coyonnerie; Nouvelle rumeur arriua, Prestres en quantité comparurent, faisant plainte qu'on n'auoit pas rendu à l'Eglise, & quelques autres sorte d'Eclesiastiques faicts comme protonotaires, grands Vicaires & Archediacles se formalisent tout de mesme, de ce qu'un coadiuteur de Conciergerie, de ce qu'un portefaix & pedant de College, de ce qu'un frippon de Palais, vn boutecul, vn renard, vn maquignon de Chancelliere, de ce qu'un archiladre, de ce qu'un regrattier & frippier de faueur, de ce qu'un sot de lacquais, & de ce qu'un Capitaine archipoltron auoit precedé Mōsieur l'Archeuesque de Tours representant le Clergé. A ceste instance la compagnee demeurera coye: mais aussi tost qu'on apperceut la venerabi-

lissime personne de ce Prelat, que plusieurs hommes & bonnets carrez pouffoient par derriere comme vn asne qui ne veut pas marcher, l'on entendit plusieurs concerts de musique, lesquels n'auoient pour toutes paroles sinon, *bin han, bin han, bin han*: cè que ledit Archeuesque tint a si grande faueur qu'il en fit quelques signes de remerciement à ses braues musiciens.

Et apres vn branlement de teste, & quelques grimasses pantalonnescques, il se tourna vers Monsieur le Marechal, & luy dit ainsi:

*Et roturier noble & Abbé,
Je remonstre à vostre excellence,
Que ma sœur a tant desrobbe
Et vostre asne tant regimbé,
Que le peuple en requiert vengeance
Y entretiendrois plus l'assistance,
Mais ie ne sçay ny a ny b.*

Vn Aumosnier Nason, alias Messer Andreas, l'un des dits Ecclesiastiques voulut appaiser ses confreres leur disant, Messieurs, il ne faut pas trouuer mauuais si tous ces gès de main & d'esprit ont en matiere de harâgues precedé *Monsignor*, bien au contraire & au rebours de cela, ne nous est hōneur & profit, qu'ils prennent ainsi le deuant & nous laissent le derriere. Quant à ceste chāson de, *bin han, bin han*, elle doit encores honorer *Monsignor*; car au pis aller quand ils voudroient le prēdre pour vn asne, encor mieux: fut il iamais chose plus estimee par les anciēs que l'asne, chose qui soit plus domestique & plus spirituelle que ce doux animal, les anciēs preferoient les asnes à toutes sortes de mōtures, il ne paroist nul orgueil à l'asne, neantmoins il n'a pas moins d'agreable grauité que beaucoup de docteurs, & autres gens qui sont vne heure à faire six pas; l'asne tient à si grand mespris la coyonnerie qu'il

endureroit plustost mille coups de bastons, que d'abandonner son honneur à la fuitte, l'asne est l'exemple de la patience, & c'est d'où Pythagoras apprint à supporter les outrages, tât de Xantipe sa femme que d'autres. L'asne a faict d'admirables effects aüec sa voix. Ceux que Darius conduisit contre l'effroyable armee des Scithes, firent vn si grád bruit auec leur *hin ban*, que tous les cheuaux Scithes en prindrent l'espouuente, & l'honneur de la victoire en fut attribué aux asnes. Quand Iupiter fit assembler les autres dieux pour faire la guerre aux Geans, qui fut cause du gain de la bataille sinó les asnes, sur lesquels estoient montez Vvltan, & les Satires, Ce fut ces braues animaux lesquels ayans apperceu la monstrueuse taille de ces Geans, se mirent à chäter & braire de telle sorte que lesdits Geans en prenant l'espouuante se desfirent d'eux-mesmes? Dieu vueille que *Monseignor* ne meure; mais si cela estoit, que ne feroit-on point de ses machoires, si le Duc de Montbason en tenoit vne à sa main, il en pourroit plus tuer d'hómes que Samson ne tua de Philistins aüec la machoire dont il s'armacótre eux. Et de plus si la peau de *Möseignor* estoit parcheminee & estenduë sur vn tabourin, ne seroit elle pas admirable? Elle feroit deux infaillibles & contraires effects: car son terrible son espouuëteroit d'vn costé, & animeroit de l'autre. Quant au prix il s'est vendu en Aragon vn asne cent mil liures d'argent, a Rome il en fut vendu quatre pour le prix de quatre cens mil sesterces, sans comparaiñon, la Frâce a bien acheté *Monseignor*, & les siens a plus haut prix que cela. Au siege de Samarie vne teste d'asne fut vendüe quatre vingts deniers d'argent, ie croy que de celle de mödit feignor, de Monsieur le Marechal, & de Madame la Marechalle, l'on en trouueroit quatre millions d'or

par Paris seulement: N'en parlons plus, d'autres plus importantes affaires se doiuent traiter; I'ay apporté icy vn long discours en forme d'aduis, qu'un Cauallier Florentin escriuoit à Monsour le Marechal, & d'autant qu'on a permis à Voysin de lire les remonstrances que la Cour de Parlement. faisoit au Roy, i'estime qu'il vouldra mieux faire de mesme eslection de quelque François: Mais si fort Italiennisé, que sans lire ledit discours en son Toscan il le traduise & prononce à l'instant en François. Cét aduis fut approuué, & le sieur de Buillon Chancelier comme dessus a grandes mains & courtes iambes, ayant dit vn mot à l'oreille dudit Marechal, se tourna vers la compagnee, & nomma pour lecteur le Baron Cheualier d'Aubeterre, & pour adjoinct le sieur Deffontis; lors papiers leurs furent deliurez, & incontinent apres quelque Florentine remonstrance, l'amy lecteur commença sa traduction ainsi.

*A Monseigneur Monseigneur le Marechal
d'Ancre.*

TRes-Ilustre & tres-excellent Seigneur, vos volontez que vous m'avez cômises, & mon obeyssance, qui les a ensuyuies, n'ont trouué en ces lieux que toutes executiôs faciles, vôs amis se sont resiouys quand ie leur ay dit ce que i'auois veu & sceu de vostre fortune, vos ennemis au contraire en ont eu déplaisir; & vos correspondances de la banque ont mis l'ordre que vous desiriez à vos deniers, n'ayans pas regret de vous les remettre puis que c'est pour acheter vne bonne partie de la France.

Les vns & les autres m'ayans ouy en Academie publique ont trouué vos grandeurs si promptement esleuées, vos dignitez si tost erigées, & vos innombrables richesses si tost recueillies, qu'ils ont tous

ensemble & craint & iugé, que ces excessiues faueurs de la fortune pourroïent estre quelque iour les trompeurs esprits, lesquels en forme de flambeaux ardens vous conduiront à vn precipice, dont la cheute vous fera plus deshonnorable que toutes vos esleuations ne vous aurent esté glorieuses.

Ces vertueuses compagnées m'ont dit par apprehension plusieurs choses que ie vous veux mander avec beaucoup d'autres que ma bouche n'eust osé vous dire de la façon que cét escrit vous le fera entendre. Je vous dis donc avec regret, que vous auez voulu paroistre trop à coup, vos magnificences, vos audaces, vos suïttes, vos violences, vos vanitez, vos entreprîses, vostre ambition, vos bastimens, vostre ieu, vos achapts de gouuernemens, d'offices, & de terres, les trāsports excessifs de l'argent de France, que vous auez faict faire en diuers lieux ont esté trop visibles, & vos pouuoirs souuerains se deuoient contenir en quelque moderation. Alors vous eussiez empesché que l'on n'en donneroit pas les honteux blasmes & les indignes reproches à vostre bien factrice, & par ceste mesme discretion vous eussiez empesché de dire que de la deplorable mort de Henry le Grand, vostre prodigieuse grandeur a pris naissance.

Il faillloit imiter Dion, excellent disciple de Platon, lequel estant venu à la possession de Syracuse, ne voulut porter autres babits que ceux qu'il portoit en sa premiere condition academique, & ne voulut qu'on luy portast d'autres viandes que celles qu'il auoit accoustumé de manger.

Si vous vous fussiez contenté de quelque mediocrité, au moins en apparence, & que vous n'eussiez pas aspiré aux grandes charges de la guerre ainsi vous n'eussiez pas esté la calamité des ialousies, & l'on n'eut

pas tant considéré vostre humeur, laquelle n'est nullement propre à ceste charge guerriere, ou bien il falloit l'auoir meritè, non en courant vn faquin dans la rue S. Anth. mais en imitant *Sicimus Cantatus*, lequel mit si souuent sa vie en peril pour la deffence de sa patrie, que 16. couronnes, 183. carquans, 160. brasselets, 18. lances, & 20. harnois de cheual furent les honorables marques des victoires qu'il auoit acquises en plusieurs guerres pour vne si iuste deffence.

Marco Varonee, voulant enseigner la droicteure à vn principal citadin, raconta les belles actions tant de paix que de guerre de 70. autres excellens Citadins, puis separant ce qui estoit de plus parfait en chacun d'eux, il l'attribua à vn seul, le rendant ainsi parfaitement accomply. Si ce meſlange de Mars & de Venus se fust rencontré tout de meſme en vostre cœur, trop pacifique fortune ne fera pas croire le contraire, de voir & dire qu'on en pourroit bien prendre plusieurs de lâches qualitez, pour en composer non seulement septante, mais vn million des plus accomplis coyôs de la terre, encor pour cela il passeroit sans flux, n'estoit qu'on dit de vous plusieurs choses que ie ne puis croire; recognoissant trop vostre bonne économie & celle de Madame vostre femme, pour penser que vous voulussiez coniurer la ruyne de la France: car outre vostre incomparable profit, vous la deuez tenir pour vostre vache à lait. Vous sçauiez beaucoup mieux que Monsieur le general de *Gligra-ti ignorant*, vostre beau-frere, la sentéce de Plutarque, qui dit que ceux qui conseillent mal, jettent le venin dans la fontaine publique, & que d'autant plus tels Conseillers meritent punition exemplaire, que plus grand est le dommage qu'ils causent. En effect cest art des ministres du diable, de tromper pour faire

mal, & le plus souuent ce malheureux ministère ne se descouvroit pas aisément, si le regard de ces demons incarnez n'estoient les violents esclairs dont ils foudroyent tous les iours le Public. Pour vostre honneur ie veux croire que vous & vostre belle partie, ne deuez pas estre de mesmes accusez, par la denonciation de vos yeux & physionomie : car, *Primo*, l'Illustrissime *Signora Leonora* vostre femme, n'auoit autres regards, ny autre visage à Florence, & estant pauvre Menuisiere que ceste agreable face, qu'elle a depuis qu'elle est Marechal de France. *Secondo*, vostre couleur autant deschargee que tout le reste de vostre mine peuuent plus donner au soupçon qu'à la verité des grands malheurs qu'on vous impute, d'autant que vostre mal accidentel avec celuy que naturellement vous auez apporté du pays y repugnent, & pourront en termes de silence dementir ceux qui voudroient vous conioindre aux pretendues meschancetez & sortileges asseurez de vostre femme. En ce mesme & muet langage pour semblable cause, ie me hazarderois bien à donner quelque desmentir en iustice, & non au Pré aux Clercs de Paris, d'autant que les loix de nostre naturelle coyonnerie, & le respect de vostre charge, nous deffendent sur plusieurs peines de vous trouuer en ce camp, sinon en carrosse ou en chaire.

O bien-heureux moyens, & plus qu'heureux instrumens, qui pouuez estre plus asseurez garends de nos vies que nos espees, vous seruez à moy d'excuse sans iouer au tarot, & à ce nouueau Marechal vous seruez de priuilege pour entrer bien souuent dans le Louure en triomphe, sans estre Prince, ny seulement noble à la façon de France, tous ceux
qui

qui s'imagine que vostre femme veut ruiner la France, ne recognoissent, ny son humeur, ny son courage: au contraire elle la veut conseruer pour elle, pour cōtinuer à y posseder souuerainemēt les faueurs du sort, & y occuper la place toute seule. Plusieurs se trompe aussi, quand ils disent que vous ne la pouuez contredire, & que vos diableries s'accordent fort bien avec les siennes, & pour leur prouuer le contraire, ie ne veux alleguer que le depart d'un medecin, lequel pour vous conseruer l'autorité meritale que vous n'auiez point sur ceste seconde Venus, vous conseilla de luy donner un recipé, collationné à l'original de ceux que le Duc de Montbazon & Bourbonne ont faict autrefois vser au grand rapporteur Botru, ou bien faire practiquer en effect ce que Zenon enseignoic qui estoit que la paulme de la main represente la rhetorique, & que la main fermee represente la diabletique. Ce que nonobstant l'esloignement dudit medecin, vous n'avez pas laissé de faire practiquer à ceste belle dame, tellement que ces discoueurs & mal pensans se trompent, & ont tort croyant qu'il y ait entre vous & elle vne parfaicte intelligence, si ce n'est à bien prendre.

Quelqu'un neantmoins d'entre eux croit auoir descouuert le pot aux roses, car entre plusieurs emblesmes qu'il a fait en vostre honneur, le premier est un baston représenté d'azur, & fleury de lys d'or, comme ceux des Mareschaux de France, auquel est pendu vne grande & grosse bourse de velours azuré, & fleury de mesmes lys d'or. Au costé droit dudit baston est représenté vne femme fort maigre & bassannee qui tient l'un des bouts dudit baston, qui dict (moyennant un escriteau

qui sort de sa bouche) *per cinque soldi*, qui sont dedans. De l'autre costé il y a vn balet desguisé en homme de dignité, lequel tenant l'autre bout dudit baston, qui dit aussi (moyennant vn escriteau) *per dio é per quatre million doro* qu'ils sont à nous. Et au milieu est représenté vn asne enharnaché comme vn Archeuesque qui leur respond, Amen.

La premiere fois que ie vis ceste assemblee i'en ignoray l'explication, iusques à ce que la reconnaissance des visages me la firent entendre, & m'accusay d'estre bien lourdaut, & peu entendu à ces choses, veu que les petits garçons, les nourrices, & les buandieres en font des gueridons, sans y oublier vostre nom. Tout cela ne signifie qu'une grande haine qu'on vous porte. Ce qui est encor accompagné de plusieurs mauuais signes, qui semblent annoncer du haut ciel vostre mort, comme prodigieuses commettes, & vouloir esclairer de leurs lumieres effroyables les supplice que la France vous proiettent, vous avez peu destourner ces malheurs de vostre teste, mais pour ce faire il falloit que vous eussiez eu plus de discretion & moins de vanité, plus de liberalité & moins d'auarice, plus de valeur & moins de lascheté, plus de respect & moins d'outrecuidance, plus d'honneur & moins de veillaquerie, plus d'humanité & moins de tyrannie, plus de franchise & moins de circonspection, plus de prudence & moins de presumption. Bref, il vous falloit auoir plus de bons ressentimens & moins d'ingratitude.

Ces defrauts se ioignans avec plusieurs autres mauuais qualitez que i'ay recognus en vous, me font de plus en plus croire aux signes qui vous menacent, & me font apprehender que les François

apres plusieurs patiences contraintes, n'apreuuent & pratiquent & leurs sens & interelts sans estudier les des Tusculanes, qu'on ne doit point auoir de societé avec les tyrans, mais plustost inimitié tres-grande, & qu'il n'y a rien à qui nature contredise moins qu'a destrousser celuy qu'on peult iustement faire mourir.

Il se recognoist desia des grâds & sāguinaires desfeins contre vous, desia les plus releuez de qualité qui vous approchent familièrement, commencent à se blasmer; & la honte des respects qu'ils vous ont renduë, & se chastient eux mesmes & les regrets qui leur donne le souuenir de leur lascheté.

Le murmure est maintenant general en France; l'on parle hautement pour animer contre vous, & l'on escrit tout de mesme, tesmoins ces vers que le Petrarque auoit escrite pour encourager l'Italie, lesquels on a rendus François, pour animer les courages, lesquels pour vostre bon-heur ont esté iusques à ceste heure assoupis.

*L'honneur & la vertu veulent prendre les armes,
Encontre la fureur, deux monstres & leurs charmes
Qui font que la France est l'exemple du malheur,
Ils ne faut pour les vaincre vne sorte bataille:
Car tous leurs reneguts & coyons à maille,
Ne scauroit surmonter la Françoisse valeur.*

Ceux qui les expliquent passant plus outre disent, que ledit Petrarque auoit raison d'animer l'Italie contre ceux qui la rauageoient, mais que l'on a bien encores d'auantage de subiet d'irriter les François contre vous & vostre femme, qui auez plus faict de mal dans la France depuis cinq annees que plusieurs armées ennemies n'en eussent peu faire durant le mesme tempt. Vous m'auiez bien

Confessé quelquefois que tout ce que vous faisiez n'estoit que pour assembler le plus que vous pourriez d'or & d'argent, disant avec ce grand historien nostre compatriote, que vous ne tiendrez iamais vn homme, ny assez bien fortuné, ny assez riche, s'il n'auoit comme vous auez grād nombre de places fortes, grandes fortunes de deniers pour solder des armées, & d'inaillibles moyens pour brouiller la Frâce quand vous voudrez, en y faisant entrer telles forces estrangeres qu'il vous plaira.

Or sans auoir fait tant de chemin és pays estrangers que Thales, & sans aller plus loin qu'en vos maisons de la ville & fauxbourgs de Paris, & non de ce lieu où elles sont encores à bastir, l'on pourra aussi bien trouuer estrange que ledit Thales, de ce qu'il est possible qu'un tyran enuieillisse.

Je vous donne cest aduis, faites en vostre profit, craignant que pour remettre la lecture apres vostre sommeil il ne vous arriue pareil malheur qu'à Archias qui fut tué pour auoir mis sous sō oreiller les lettres toutes fermées, que le souuerain Prestre du mesme nō d'Archias luy escriuoit, portāt aduis de l'entreprise qui estoit sur sa personne & sur les autres tyrans, prenez y garde, & lisez cecy auparauant que dormir, car les negligences & les erreurs aux fortunes comme est la vostre, ont les mesmes effects que les fiebures etyques, lesquels en se decouurant descouurent qu'elles sont sans remedes.

Le meilleur que ie voy en vos affaires; c'est que la faquinerie de tous les grands de France, & l'ascheté des petits coyons, n'a pas encore estudié iusques a la maxime d'un de nos compatriote, qui dit estre chose dangereuse d'offencer vn homme de peu esleué au degré où vous estes, mais qu'il est

encores plus perilleux de le laisser refuer en cest estat, concludant que nos droguistes Italiens sont plus experimentez à ces maux là, que ne sont ces beaux phlebotomistes François, qui s'attaquent seulement les vns aux autres, sans faire les saignées necessaires.

Tandis que i'estois à Paris ma curiosité me faisant rechercher toutes ces choses, il me tomba entre les mains la copie de ceste centurie.

*Vn grand sabat tiendra pour forger sur l'enclume,
Des poisons, des exils, des vols, des assassins,
Le coq sera plumé, & de sa riche plume,
Achepter se pourra, & les deux qu'on presume,
Pourront vendre le coq, la poule & les poussins.*

L'on disoit que ladite Centurie s'estoit trouuee dans la grosse tour de la Conciergerie, écrite avec du sang contre la muraille, & qu'elle n'auoit esté que diuersement expliquée, toutefois ie sçay bien que Madame vostre femme en eust l'intelligence: car ayât au soir assemblé au clair de la Lune les Medecins Montalto & la Brosse, & plusieurs autres de mesme farine & confrairie sorciere, ils n'eurent pas plustost attaché les susdits cinq vers avec la graisse d'une pucelle aux pieds d'une fideuse figure que vous tenez dans vostre logis pour la mesme cause que les Troyens renoient Palas dans Ilion, ils n'eurent pas plustost dis-ie fait ceste nuictaliere & effroyable application, ils n'eurent pas plustost ouuert leurs boüettes de graisses sepulchrales, desployé leurs parchemins vierges, allumé plusieurs bras de pendus, & marmotté quelques parolles confuses deuant ladite figure, que lesdits vers se trouuerent changez en ceux-cy.

*Par vn conseil de Dol, & maint autre infidelle,
 Vn gueux faict Marechal, pourra tous maux forger,
 Et la Franche achepter de l'or qu'il a pris d'elle,
 Où s'aidant du pouuoir qu'on luy donne sur elle,
 La pourra faire sienne, ou vendre à l'estranger.*

Ces derniers vers interpretant assez les premiers en parlant de vostre pernicieux Conseil, de vostre non meritee eslevation & de vostre brigandage. Ils n'oublient pas aussi d'exprimer vostre tyrannique puissance. Mais pour toutes ces explications, les François pour vostre bon heur, ne s'en rendent pas plus sçauant, & n'en sçauoit iamais allez pour estre plus fins que ceux de nostre Etrurye.

I'estimois au commencement que vous auiez raison de contrefaire le malade, pour estre d'ordinaire à couuert dans vos superbes maisons; & là tenir vostre legitime & coyonesque Empire: mais certes ie m'en suis desdit, i'ay recogneu que c'estoit pour contrefaire le souuerain Gaulois, y tenant la banque de toutes les charges de Franc, des offices, & de la fortune d'un chacun. Il y a trop de tyrannie en cela, & vous l'aurez entierement vsurpee, n'estoit que toutes lettres s'expediât encores sous le nom de grand Roy Louys XIIII. lequel (quoy qu'en bas aage) ne deuroit pas laisser de vous donner autant de terreur durant vostre insolente puissance, que Henry le Grand vous donna d'apprehensions, lors que vous ne commenciez qu'à vous acheminer à vostre fortune, & qu'à toutes heures vous desseignez vostre retour à Florence. Certes, certes, il y a trop de tyrannie en vous, & trop de lascheté en ceux qui negligent d'entrer dans le temple sacré du Roy pour aller faire leurs sottises & coyonesques adorations dans vostre logis

qui y ioint. Ceux-là mesmes sont cause que les estrangers nouveaux venus à Paris, ne sçauent si sa Majesté est logee à vostredit petit logis, où s'y c'est par là qu'on entre au Louure: car toute la coyonnerie François approchant à la barriere Royale, crie tousiours, tourne à gauche cocher ce qui met encores lesdits estrangers en doute. C'est qu'il semble que les corps de garde veillent plus pour vostre seufeté que pour garder ce temple des Dieux de la France, & qu'il n'est plus que la basse court de vostre logis. Je crains à la fin que pour faire reellemēt trop de choses, & que pour en contrefaire trop d'autres, vous n'en receuiez des malheurs en effect.

Cælius pour s'exempter de visiter des personnes qui valloient mieux que luy contrefit long temps le goutteux, & se fit tant frotter les iambes avec des onguens, qu'à la fin contre toute esperance, il se trouua goutteux en effect, Martial nous y doit faire penser par ces vers,

Tantum cura potest & ars doloris,

Desit fingere Cælius podagram.

Je craindrois bien pour vous d'autres bien pires choses que les gouttes, n'estoit que la generale coyonnerie des François, & qu'il faudroit que les plus grands qui sont vos complices tyranniques encourussent vostre mesme fortune. Neantmoins tout le peuple cherche resiouissance en vostre ruine, & me faict reslouuenir qu'aux Prouerbes 128. il est escrit, la cité & les peuples se resiouyssent pour la prosperité des iustes, & font feux de ioye pour la perte & ruine des meschans.

On cherche tousiours le changement du mal au bien, & Aristote dit que le changement d'estat detruie de ce que ceux qui gouernent commandent

trop tyranniquement, & ne tiennent conte de la iustice, sinon qu'entant qu'il y va de leur interest particulier.

En prenant tout comme vous faiçtes avec vos complices, vous ne pensez pas à ce que Tibere empereur disoit, que c'estoit bien loüable chose de tuer, mais non pas d'escorcher.

Il ne parle pas à vous tout seul, mais ie dis avec l'Eccles. 10. que Dieu faiçt diminuer les estats, quand ceux qui en sont les principaux ministres sous le souuerain, permettent les choses tyranniques, pareilles à celles qui vous sont permises, & cela est faire retourner le peuple en Egypte.

Si tost que le sieur Don Ioan de Medicis vous sceut aux grandes charges où vous estes esleué, il dit qu'il apprehendoit de grands malheurs pour la France, & me recita ces parolles de la sainte Esriture, *Scema Dio il Re. alme d'andogh persone vili ché torcano il fuso Piloti temerari, literati senza anima, Medici ignorant, Giudici senza scienza & conscienza & gente inutile.*

Plusieurs autres de vos amis en pareil degré que le precedent n'attribuent pastât la cause des maux de la France à vous, & plusieurs autres qui n'administrent pas trop bien qu'à vn d'eux, & disent ainsi avec Iob, que ce sont visites de Dieu, *qui regnare facit impetitam propter peccata populi.*

Or c'est de vostre conduite que vous pouuez & deuez plus esperer ou du mal ou du bien l'election de l'une des deux est plus naturelle que l'autre: mais sur tout ne vous hez pas tant à la fortune, & pour ce faire apprenez par cœur ces vers icy qu'un de vos meilleurs amis a faiçt pour vostre instruction.

*Fortune peut comme de gire
Faire vn monsieur, faire vn Mre,
Elle est Royne des dignitez,
Et des diuerses qualitez,
La nature est Imperatrice,
Chacune en vous fait son office,
Mais fort une veut par argent*

*Faire à Nature piperie,
Neantmoins sa force varie,
Et quoy qu'on vous aille erigeant
Vn throsne d'or & pierreries,
Vous tiendrés tousiours du sergēt,
Du bougre, & de la fripperie.*

En vous donnant aduis de tout ce que i'ay ouy dire de vous, ie vous mande tout ce que i'ay pensé & songé pour vostre bien. Adieu ce lecteur ayant finy sa tasche, sans auoir esté secouru par Defonctis son coadiuteur, il fit grand nombre de reuerences : & pour applaudir d'auantage Monsieur le Marechal, il parla en ceste sorte :

Mr, qu'on die ce qu'on voudra de l'vsurpation que vous auez faicte & practiquée, vous y auez fort bien iouïe vostre personnage durant cinq années : car en vous aydant de l'endiablée malice de peu d'hommes, & de l'ignorāce & insensibilité de beaucoup d'autres : vous auez reduit toutes les affaires à passer par l'estamine de chez vous, puis vous en auez pris & laissé ce qu'il vous a pleu. Il fut vendu à la foire S. Germain vn tableau, lequel sans parler disoit la mesme chose. Ce dit tableau ressenoit vn des plus beaux paysages du mode, plusieurs costaux couverts de pins & autres grands & beaux arbres verdoyā, d'vn costé la belle plaine qui y paroissoit, és autres costez l'on voyoit plusieurs belles villes decorées de grande quantité de clochers, portans de fleurs de lys pour marques sur leurs pointes : sur tout paroissoient du long & du trauers de ces belles plaines grand nombre de riuieres, lesquelles dans tous leurs lits & cours ordinaires sembloient estre contraintes de se venir rendre toutes au milieu desdites palmes, dans vn mesme canal, moyennant plusieurs

sortes dignes & bastardeaux redoublez. Sur les ri-
uages paroissoient infinins peuples languissans, cou-
chez sur leurs inutiles nasses, rets, lignes, scyques,
tramails, & autres instrumens de pescheurs. Mais vn
peu plus haut à l'emboucheure dudit canal, l'on
voyoit deux hommes qui seuls faisoient toute la
pesche, n'ayans pour tous outelet que deux seaux :
l'un deux estoit vestu d'une soutane de satin, ayant
dessus une grande robe de velours plain, & estoit
coiffé d'un chapeau en platte forme : l'autre estoit
habillé tout de mesme, qu'estoit le faquin qui seruit
de quitaine à Amiens, & par ce moyen de deux
seaux il sembloit qu'ils enleuoient toute sorte de
poissons, derriere chacun d'eux il paroissoit encores
deux autres hommes, cōme pour receuoir le profit
de la pesche. Le premier estoit vn petit homme fort
ventru à l'encolleure apoplectique, cōme d'une sou-
tanne de satin, lequel sembloit à belles mains rece-
uoir le poisson, & en faire distribution à ces peuples,
qui de loing & de pres leur faisoient montre de leurs
bourses. Le second estoit vn petit homme rousseau,
lequel estoit plus chargé de croix de Malte que de
graisse, & plus couuert de boutons S. Ladre que de
grains benits, ainsi que l'autre il receuoit la pesche
d'une main ; mais il sembloit que de l'autre main il
en iettoit dans une grande mare pour reseruer ledit
poisson à la façon du pouteau de mer, & que de la
mesme main il en baillast pour payement à diuerses
sortes d'ouuriers & artisans. Or au dessus de ces
deux habilles & hardis pescheurs, estoit encores ré-
presenté une femme assez richement habillée, mais
ayant un visage de Megere, laquelle estoit assise dans
un vaisseau Royal, à l'entour duquel toutes sortes
de poissons venoient comme charmes, & sembloit

qu'elle fit signe de la main, & qu'en ce faisant elle
donoit aduis ausdits pescheurs quand il falloit qu'ils
missent les sceaux en pratique pour faire bonne prise.
A l'autre bout dudit vaisseau il n'y auoit pour
bastelier ou pour conducteur, qu'un grand homme
de façon fort sauuaige, tout semblable à Dolé, lequel
faisoit flotter dās l'air vne banniere rouge faicte de
plusieurs pieces, dans laquelle estoient escrites en lettres
de Chancellerie dorée, ces parolles Espagnoles:

No buelto ganancia es de Pescadores.

Et plus bas estoit escrit en bones lettres Françoises.

Cest excellent tableau nous peut bien faire entendre

Qu'au Seigneur de ces lieux on auit le pouuoir

Et ne faut s'estonner n'y voyant rien mouuoir

Ces pescheurs ont tout pris, ils n'ont plus rien à prendre.

Mr, vous voyez par toutes ces harangues, remon-
strances & poësies, comme on se souuiet de vous, les
Orateurs discourēt de vostre gloire, les Poëtes font
des vers en vostre honneur, & les peintres represen-
tent vostre puissance par des embleśmes honnora-
bles. Et moy qui ne sçay ny discourir, versifier, ny
peindre, ie ne sçay sinon prier Dieu qu'il vous esleue
d'eschelon en eschelon, & souhaitter que vostre hi-
stoire ne soit escrite par d'autre que par ceux qui en
ont desia tracé les premiers traitts, sans que les
sieurs Voisin, Allé, Chesneau, & le Flqment y soient
employez, comme les quatre Euangelistes que
Messieurs les bourgeois de Paris vous desirēt, &
que toute la France vous souhaite.

Vos vertus & vostre courage sont en si grand
malheur, qu'elles ne se font admirer ny craindre; il
n'y a que moy qui les honore à cause du pays, & qui
donne des dementis à tous les discours qu'on faict
de vous: depuis peu de iours encores ie condannay,

36

au supplice ordonné à tous nos concitoyens de Sodome, vn escrit qu'on disoit auoir esté affiché à la porte de vostre logis du faux-bourg, dont la teneur ensuit.

Principauté de Lucifer, Cité de Bordelet, Royaume de demons, demeure de bestes sauuages, abord des hommes sans cœur, felicité miserable, inquietudes perpetuelles, force tremblante, santé fort infirme, pestilence continuelle grandeurs caduques, synagogue des Iuifs, noblesse incogneue, sac persé, cauerne sans fonds, soif insatiable, puante prison, receptacle de vices, escole de luxure, fondement fragile, tromperies loüées, viperes horreur, & exclamations du peuple, l'horreur de la France, & l'Enfer des viuans.

Ce qui m'estonne des bruits qui courent à vostre honte, ce sont ceux des sortiliges de vostre femme, des secrettes communications qu'elle & Montalto Medecin Iuif ont avec les demons. Ce sont ceux des charmes dont on dit qu'elle empoisonne l'esprit de sa maistresse, & sur tout sont ceux des lubriques familiaritez dõt on dit qu'elle exerce son corps ethnique avec vn Prestre onctueux, vn maquereau gradué, & vn chevalier ladre toutes les nuicts pour en foüiller vostre couche à son retour, & y porter les puantes odeurs de paillardise. Ces choses, disie, m'estonnent si fort, & ceux qui les oyent les trouuent si estranges, qu'ils l'accompagnent à Messaline femme de Claude Tibere, & disent qu'elle doit emporter sur ceste enragée & desbordée imperatrice la propriété de ces vers de Iuuenal :

-----dormire virum cum senserat vxor

Ausa palatino tegetem praeferre cubili, &c.

Mr, ie finis icy, ne pouuant plus rien dire que de

mal en pis, cependant à force d'ouyr haranguer chacun en voulut conter, & faire de mesme, vn gentil homme entre autres, fort eschauffé en son harnois, print la parole, & dit sans faire la iambe, ny le pied de veau.

Mr, vous auez esté hautement loué par tous mes deuanciers, mais ils deuoient auoir plus de soing de vostre seureté, & de vostre honneur, il ne vous ont pas assez remonstré le peril où vous-vous estes engagé, en voulant esgaler Messieurs les Princes du Sang, en faisant mal traicter & esloigner celuy qui accomplit en sa digne principauté le nombre ternaire des precieuses fleurs de lys: en voulât, disie faire raualler celuy dõt le Royal nom & inuincible courage ne peut receuoir de rabais. Et bref, en voulant encõres empieter avec luy vn autre bras du corps de l'estat: par lequel l'authorité du Roy se faict recognoistre, ses volontez se font obeyr, & par lequel sa Iustice faict mieux son sainct ministere. C'est ce venerable Parlement.

<i>Cer A. g. ste Senat de France,</i>	<i>Ne prenez gautier pour garguille,</i>
<i>Cere iuste & seinte puissance,</i>	<i>Car au point d'un triste accident</i>
<i>Et le fr. bras de nos grands Roys</i>	<i>Vous pourriez dire en descendant</i>
<i>Fait que vos tyranniques loys</i>	<i>Ma. soy Monsieur mon Capitaine,</i>
<i>L'ont menasé de la Bastille,</i>	<i>Le l'auois pris, mais il m'emaine.</i>

Aussi tost vn grand homme à visage de marquetterie, cheueux de rapport & barbe ardete, se souleuant de foule coy onnesque commença ces paroles:

<i>Monsieur il ne t'en faut desdire,</i>	<i>Ils iurent desia leurs digestes.</i>
<i>Il font ostendre vostre Empire</i>	<i>Qu'en faisant apres un trespas</i>
<i>Sir des matoux & chais fourrez</i>	<i>La Regente, ils ne pensoient pas</i>
<i>Ou desplaisir vous en auriez,</i>	<i>Faire un sergent come vous estes.</i>

Et derriere plusieurs notables coy ons qui faisoient huiet rangs à l'entour de la selle, parut hors d'œuvre vn petit homme assez mal faict, ressemblant extre-

mement par les mains au refferrandaire & quaiſier de Dolé l'intendant, lequel teſmoigna vne ſi grande reſiouiffance des hardis conſeils de ce deruiſer harangueur, quand il dit ainſi,

Meſſieur, ſil le faut entreprendre,

Ce Phœbus nous le faiçt entendre,

Où vous & nous ſerons pendus.

Il vouloit encor acheuer quelques vers, mais vn meilleur Poëte que luy iugeant que pour acheuer ſa rime il y pourroit parler de pendus, cria pluſieurs fois, hola Clerice : tu nous bailleras tant de Pææbus qu'il inſpirera icy quelque nouuelle peur & frayeur coyonneſque dans ceſte aſſemblée, où il ſ'en trouue deſia à reuendre ; toutefois ce petit auorton ſe tirant à quartier ne laiſſa de murmurer, & dire ſes cauſes d'apprehenſion au Clerc de Barbin, en ſes termes, que i'eſcouteray fort attentiuelement.

Patbleu, c'eſt avec raiſon que ie crie qu'on doit croire ce gentil hōme rouſſeau : car ſi ces Meſſieurs du Parlement tiennent quelque iour nos maiſtres, leurs perſonnes ſerōt bien toſt miſes entre les mains du queſtiōneur Barbotte, & ira mal de leurs affaires, toutefois il y aura quelque difference entre eux, qui eſt, que Mr Barbin ſe trouuera exempt de douleur entre les gehennes, & par conſequent il ſ'abſtiendra de confeſſer infinies choſes dont les tourmēs d'une rouie feroient la raiſon ; mon maiſtre tout au cōtraire, fera confeſſion generale, & ſur tout ſi l'on l'expoſe à la gehēne de la boiſſon, & que ledit Barbotte ait l'indultrie de luy faire boire deux coquemarts de bon vin au lieu d'eau ; Hé ! Dieu, que ne dira il point, *in vino veritas*, il ſe perdra par ſes confeſſions, il ſe recognoiſtra autāt & plus coupable que Mr le Mareſchal, d'autant que c'eſt luy qui a trouué les inuētiōs

de faire esloigner les Princes de la Cour pour inuestir mondit seigneur de leur auctorité. C'est luy qui a proposé des prisons pour eux, & la mort de plusieurs du Parlement, c'est luy qui par mesme dessein fit faire voile au Duc de Suilly, afin qu'en le sequestrât de la Cour ils y troublassent l'eau de telle sorte, que la pesche en fut meilleure; quelle plus cruelle & plus iniuste proposition pouuoit on faire que celle qu'il fit, esperant par vne confiscation adiouter vne grande charge à celles qu'auoit desia ledit Seigneur Mareschal: ce fut luy qui proposa à ceste fin de faire mourir vn des plus grands de la Cour, grand en nom, grand en dignitez, grand en bontez, grand en courage, grand en fidelitez, & si grand en debonnaireté & franchise que toute la plus genereuse Noblesse François ne s'est recherché depuis 30. ans aucune fortune pres de nos Roys qu'elle n'ait prins pour conseil & pour exemple les actions de ce braue Seigneur, duquel (ô execrable iniustice) les biens, les gouuernemens & belles charges estoient desia en proye, si son innocence assisté de Dieu & de ses amis n'eussent asseuré sa vie, contre les tyranniques pretentions de ses Iuges & parties, qui n'estoient qu'une mesme chose. C'est luy qui vouloit aussi faire mourir le Sr Moisset pour faire auoir sa belle maison de Ruel audit sieur Mareschal. C'est luy, c'est luy qui a trouué les moyens de faire faire audit Mareschal ce que les bourreaux executent en faisant leur hauages sur toutes les denrées estallées es marchez: ainsi sur tous les offices & charges de la Cour, & du Royaume. Il a tousiours exigé les biens dont il estonne à present tout le monde. N'est-ce pas luy qui a fait résoudre mondit sieur le Mareschal de se redre maître de la Picardie: vous sçauéz la part qu'il y a, & se-

40
roit parueniu à la souveraineté du pays, n'estoit ce
fâcheux Duc de Lōgueuille, ma foy ce nous est vne
dangereuse partie, & le deuons confesser, tant pour
sō courage qui nous a desia fait gaster plusieurs dou-
bleures de chausses que pour ses droicts, ses raisons,
& l'affection populaire qui le maintiennent, & le
tout en despit & au mespris des offices qu'on a ap-
posez diuerfes fois à sa constance, ses vertus & son
cœur Royal l'ont rendu plus difficile que le Duc de
Vendosme, lequel a traicté luy-mesme le mariage
de Madamoiselle d'Ancre avecq le Cheuallier de
Vendosme: en bonne foy ie croy que ledict Duc &
Monseigneur le Mareschal iouient à qui se trompe-
ra, sçachât bien qu'un fils de putain, enrichy à un fa-
quin esleué n'y a pas grande difference: ie voy bien
que l'un pretend que par son futur gendre il alleure
pres du Roy sa branslante fortune, & ses grands biēs
iniustemēt acquis. Mais ie remarque que ledit Duc,
comme fin, s'alleure de l'aduantage: car par la char-
mante puissance de mondit seigneur, & de madame
sa femme, il a conuertiy des haynes qu'on luy por-
toit en des faueurs extremes, maintenant ces char-
mes, ou plustost malheurs, veulent donc que celuy
lequel contre les loix de Dieu & de la naissance, des-
feruoit le Roy, & troubloit l'Estat, soit la seconde
idole de la Cour ie n'en puis inger la cause, si ce n'est
qu'il ait esté touché de ceste pierre d'aymant ou d'a-
choppement. Aumoins ie sçay bien par la denoncia-
tion de mes yeux que ledit Duc, vsant de passe-par-
tout de Monseigneur le Mareschal, il entre es lieux
les plus secrets de chez la Roynie, dans peu de temps
ledit seigneur Mareschal veut moyenner le retour
audit Cheualier, comme pour de grandes raisons il
a moyenné son esloignemēt. Ie ne sçays'il ne se mes-

prendra point en cela ; d'autant qu'outre les finesſſes naturelles dudit Cheuallier . il en aura encores appris d'autres és escolles d'où il reuent . & eſt à douter s'il voudroit preſerer le bien de ſon pretendu beau pereau ſeruice du Roy . Or s'il en arrive autrement & mieux que ie ne m' imagine , nous ferons tirer l'artillerie d'Amiès , que le diable ſoit à Amiès , ie ne m'en puis ſouuenir & n'en puis parler que ie n'en tremble de hardieſſe , & ne me puis repreſenter les tours & retours qu'à fait en noſtre logis ceſt homme de grande reputatiō , le Marquis de Cœures que le ſouſçon ne ſerend maĩſtre de mon eſprit . N'eſt-ce pas deſia vn braue commencement d'honorable alliance qu'on dit par tout Paris qu'il ne pourra naiſtre de ce mariage , ſinon des monſtres eſtant l'vn fils d'vne des plus illuſtres ribaudes qui ſoit en toute la ribauderie , & l'autre eſtant fille d'vn faquin generaliffime , i'enrage de ces diſcours & plus encores de ce que mon Maĩſtre n'eſt encores ny controolleur general des finances , ny Chancelier , la verité eſt ſi diuinement puiſſante qu'elle m'a tiré ces parolles de la bouche en rendant mon ame capable de ces conſiderations : neantmoins mon cher amy nous ſommes embarques ſi auant avec ledit ſeigneur Mareſchal qu'il faut perir avec luy , mais le plus tard que nous pourrōs , il ſe pouuoit mieux mettre à couuert qu'il n'a pas fait , & pouuoit mieux nous conſeruer n'il ne fera . Vertubleu pourquoy ſi toſt apres la mort du deffunct Roy , il a voulu trancher du Prince & faire les honneurs du Louure commes'il euſt eſté le Maĩſtre , pourquoy s'attribua-il la direction de tous les affaires . Pourquoy auoit-il la vanité de publier luy meſme ſa ſouueraine puiſſance ? Falloit-il qu'aux deſpens du Roy il entretenit cent & cent pè-

honnaires? Quel besoing estoit-il que de la mesme bource plusieurs coyons qui le gardent fussent entretenus & eussent chacun mil li. francs par an? Deuoit-il indignement porter sur son chapeau le iour de la majorité du Roy à la veüe du Parlement & des plus grands du Royaume la masse ou pennache de Herons noirs, que Henry le Grand auoit eu du Marechal de Biron, & qu'apres ces deux plus grands Capitaines de la terre, il triomphast coyonnement de ceste glorieuse marque, deuoit-il faire mettre sus la compagnie des cheuaux legers de la Roynie qui auoit esté licentiée pour le bien du Roy, & s'en faire apres le Capitaine. Il deuoit chercher sa seureté en son courage, mais où il n'y a rien le Roy perd ses droits, du moins il se deuoit acquerir plus de liberté par plus de modestie qu'il n'a eu, toutesfois la lâcheté des François qui l'ont adoré, a plus forfait que luy, car il n'auoit encores nul crédit que desia il estoit plus sainy que le Roy, & les plus grands pour meriter d'auantage de la vanité, apprennoient aux moindres d'auoir tousiours la teste nuë deuant luy. Ainsi par ces lâches moyens ils l'ont esleué d'une auctorité qui n'estoit qu'imaginaire en vne tyrannie trop veritable. Hé! qu'elles destitutions il desseignoit. Hé! quels changemens il vouloit faire dans le Cour, i'en tremble encores par le souuenir, qu'elle chose luy eust esté impossible deslors pour sa grandeur, si ses desseins ne se fussent perdus avec la vie du Baron de Luz, ceste mauuaise harmonie de Luz doit apprendre à aucuns d'en faire des meilleurs, & quelques autres de ce mesme concert se ont volontiers salariez de mesme, s'ils ne fôt leur retraitte où nous esperons faire vn iour la nostre. C'est en la Citadelle d'Amiens ou tout n'ira pas mal s'il s'y trouue autant

de bons hommes qu'il si pourra trouver de bonnes armes. Quinze mil Cavalliers & fâtaffins s'y pour-
ront fort bien equipper, il y a grande quantité d'ar-
tillerie & de toutes munitions lesquelles seroiēt en-
cores à l'Arсенac de Paris si l'on en eust voulu croi-
re le Marquis de Rosny. Est-ce pas beaucoup que
tout cela? Et d'auantage quand Mr le Marechal se
voudra ietter par desespoirés bras des Espagnols, il
tirera d'eux telle assistance qu'il voudra, ie l'ay entē-
du parler plusieurs fois de cet affaire avec Mr Dolé,
concluans tous deux qu'il ne faudroit pour son in-
faillible salut sinon bailler la moindre de ses places
pour caution ausdits Espagnols, & par ce moyen le
reste luy seroit asséuré comme Amiens. Peronne &
plusieurs autres qui ne luy manqueroient pas, Mō-
treuil en cest l'vne, où ce braue Mr de Migneux di-
qu'il viura & moura pour le seruice de Mōseigneur,
l'ayant iuré deuant tout le conclau coyonnesque,
& les anges à grands ongles de Madame la Maref-
challe, vrayement il est obligé à cela, toutesfois on
dit que durant les guerres passees il a esté de tous
partis, nous aurons le sainct esprit de Ruë que Mr
d'Ouailly tiendra pour nous s'il se souuient qu'il ne
seroit pas Capitaine des gardes de Mr frere du Roy,
sans Madame la Marefchalle, Mr de Plain-ville est
engagé de promesse d'amener sa cōpagnie des gar-
des du corps à nostre secours, dequoy cependāt Mr
Gobelin assez difficile aux garanties ne la pas voulu
cautionner; Mr le Vicomte de Briqueil doit aussi par
serment attirer de la Court sa compagnie de cent
gentilhommes. C'est à sçauoir s'il y en a cēt, vraye-
ment gentil-hommes & bien contez, car ie ne sçay
que nous y en auons fait enrooller plusieurs aus-
quels vne honeste vilenie deffend ceste noble quali,

66. A Dieppe nous aurons Mr de Vilars Houdā qui est vne des places dont Mōseigneur fait le plus d'estant qu'outre son port & sa consequence elle est scituee vers le Ponant, Mr Belot estoit autresfois hō ne d'esperance, mais à son grād regret plus qu'au nostre. Il s'ē faut vn des membres qu'il soit comme il souloit. Mr le Vicomte de Chermelles amenera les officiers de la Roynne nous seconrir, & mettre de sa parrie les femmes de chābre de sa Majesté, si Madamoiselle de Lonjumeau le permet, infinis autres Picards & Normans ne nous manqueront pas, il n'y a que le Marquis de Molny qui est vn peu suspect parce qu'il est meilleur Frāçois que le Vicomte de Torrennes, ce qu'il luy soustiendra portant sa vie en tous lieux contre luy moyennant que ledit Vicomte baille pour seureté d'icelle, la ville & Chasteau de Sedan au Comte de Lamark.

Or tandis que les doux charmes du songe m'entretenoient és plaisirs de ce discours, ie ne pensois point à ce que plusieurs coyons propoisoient & mōstroient à Monseigneur le Marechal, & m'arrestay seulement à l'admirable entretiē de ce premier brigandreau, & à la responce du commis de Barbin qui fut telle.

Mon cher frere, l'effect de nostre commune apprehension a esté bien dissemblable, puis qu'en mesme instant elle vous a fait aussi bon poëte qu'orateur, & qu'au contraire elle m'a rendu muet sans aucunť deffant de langue. Car nature aussi bien qu'à vous m'en a donné vne pour demāder, & des mains tout de mesme pour recevoir. Ma foy ie croy que telles poltronnnes apprehensions se prennent en ceste maison, & pres de Monseigneur le Marechal, comme on pourroit prendre la contagions és lieux

pestiferez. Je veulx reprendre courage pour mettre mes opinions en campagne sur le subiect qui nous distribue du bien en commun & qui par faute de bon appareil, ou autrement nous pourra donner du mal en compaignee quelque iour.

Je diray donc que vos craintes & les miennes doivent estre sœurs, puis que les crimes de nos maistres sont freres. Vous n'avez pas tout dit sur ce subiect, aussi n'estoit-il pas necessaire à moy. qui vois clair en ces affaires : mais en bonne foy si nous auons à souffrir pour la cause, vous deuez bien plus souffrir que nous, parce que vous estes ces bailleurs d'expedient pour tousiours augmenter la domination & les biens de Monseigneur le Marechal. C'est vostre maistre qui donne les aduis pour faire decouler tout l'argent du Royaume dans les banques de Florence, de Genes, de Venize, de Lucques, de Strasbourg, d'Ausbourg, d'Anuers, & des Espargnes de France, & le tout pour ledit Seigneur Marechal, non, non, ie me trompe pour ces espargnes, parce qu'il y prend tout sans y rien mettre.

C'est vostre Maistre qui fut cause qu'il tira grandes & notables sommes de l'abondance extraordinaire d'argent qui se trouua és coffres de l'espargne en l'annee 1610. qui fut lors qu'il commença à profiter si fort de la mort du deffunct Roy qu'il en pleura, à ce que virent les Duc d'Espernon & Châcellier, lesquels en penserent aussi creuer de regret à ce qu'asseur la prisonniere qui est aux filles Penitentes.

Quant à nous, nous ne sommes que simples petits maistres és arts & conteurs d'argent à mondit Sieur le Marechal, lequel ne se trompe point à son côté, mais bien se peut-il tromper quand il dit que Mr Barbin luy a plus fait venir de pistolles que Mr

d'Attichy ne luy auoit fait venir de quarts d'escus, ie n'ay cognoissance que de 400. neuf mil l. du rabais fait à mon Maistre & autres partisans, lesquelles on osta iniustement au Roy pour faire venir es coffres dudit Sieur Marechal, sauf ce qui en tomba chez vous par les trous des sacs qui sy percerent en les faisant tomber trop rudement.

I'ay bien fraische cognoissance de l'argent innombrable qu'il a tiré des confirmations des mestiers des Officiers, des Commissaires des gabelles, des payeurs des rentes, des Secretaires de la chambre, des tresoriers, des pensions de plusieurs Offices des maisons du Roy, de la Roynie, de la Reyne Mere, de Mr frere du Roy, & de Mesdames. Et ie me souuiens bien aussi de l'Archeuesché de Tours, de l'Abbaye de Marmoutier & autres benefices qu'il a eu, à quoy mon maistre a de vray bien aidé.

Beaucoup de monde peu intelligent croira que ce que dessus est grand chose, mais en bonne foy ce n'est rien au regard de ce que nous esperons par la Paulette.

Vrayement si elle estoit vne fois supprimee ou presentement ou apres les trois annees du reste du bail de l'annuel, les marques de l'admiral seroient innombrables en France, & neantmoins Mr l'Admiral sera le moins reconnu par ceux qui les porteront, car tous les Officiers qui seront creez receus & establis apres ladite suppressio seront tous marquez à l'Ancre, moyennant leur bon argent: ie n'estime pas que pour cela mondit Sr l'Admiral s'en voulut formaliser estant maintenant allié de la maison de Florence. Mais ie croy que dix milliōs d'autres s'estonneront de ne s'estre assez estonnez de ce que le sceau de France, au lieu d'estre comme il souloit la

plus precieuse marque de l'autorité souveraine de nos Roys & le garant de sa foy publique, soit maintenant si pollü & si fidellement appliqué qu'il ne serue plus sinon à sceller infinis offices pour Monseigneur le Marechal, qu'à sceller des commissions pour faire escouler es abysses de sa bourse, nō seulement l'argent dont la Bastille estoit depositaire: mais celuy dont toute la France s'entretenoit. Hé? qui s'estonnera de ce que ce sceau si precieux ne serue plus qu'à sceller les abolitions de plusieurs assassins & parricides, tout aussi tost & ainsi que monseigneur le Marechal dit qu'il le veut: sans quoy la cire se trouueroit si molle qu'elle ne retiendroît pres l'impression sacree & trop peu honnorée de nostre Roy. A qui est donc maintenant la Chancellerie; pourquoy Mrs les Princes du Sang s'offencent-ils, disans qu'ō prefere vn faquin à eux, puis qu'au plus haut tribunal de la Iustice du Roy, & où son premier ministre est assis, les mots souverains dont nos Roys se sont tousiours seruy pour interpretes de leurs absolues volonteiz ne sont plus en respect ny en obeyssance, il n'est faut pour preuues que le prompt rappel de Monthabene, lequel deux iours apres la publication de l'Edict contre les duels auoit tué Prety, il ne faut rapporter icy quel l'assassinat de Harquie en la personne du S. de Riberpré, & ne se faut souuenir du rapt fait par siesque, lesquels crimes ont esté aussi tost abolis que cognus, & le tout par la volonté dudit Sr Marechal, & le pouuoir qu'il a de faire de Roys en cire verte, aussi bien qu'en iaune, & de Louys aussi bien en parchemin qu'en papier.

A ce coup que ma bourse est en assez bon estat les ressentimens que doit auoir vn bon François, me font ainsi dire & cōfesser que c'est vne ignominie.

De honte à la France, ayant souffert qu'un estrange
homme de neant y estant venu sans mule, cheual,
argent, ny valet à luy appartenant, ait vsurpé la ty-
rannie apres la plus glorieuse domination le plus
iuste & doux regne la plus grande abondance de
biens, & le plus grand calme qui fut oncques en ce
Royaume.

Plusieurs detestent bien ce malheureux change-
ment, mais c'est trop bas, & tandis le *LOVOGLIO*
dudit Seigneur Mareschal est l'inuiolable tezte des
loiu qu'on ensuit, & l'on iugeroit quelà. Car tel est
nostre plaisir, du Roy seroit vn corps sans ame, n'e-
stoit cesdits mots Italiens, de l'efficace desquels Mr
le Commandeur de Sillery a esté informer l'Espa-
gne, son frere aisné l'a pratiqué au seau, son nepueu
le soubssigne, & Mrs Dolé & Bullion le vont en-
seignant cōme statuts necessaires, tesmoin ces vers:

*Cinq hommes & leur chef par nouveaux Institutes
Forcent le droit François, & ses loix les plus iustes,
Et consomment cruels, comme vray Margajas,
Tous les pauvres François, & n'ont en leurs escole
Que les loix de Cuius, non celle de Cuias,
Que celles d'un Breton, non celles de Bartole.*

Il falloit que ledit Seigneur Mareschal vst de sa
fortune avec plus de moderation, & qu'une habile
discretion empeschast qu'en effect l'on cognoist si
tous les points extremes de son pouuoir & de sa fa-
ueur. Ces moyens eussent estouffe les ialousies de la
Cour auparauant qu'elles eussent esté nees, les bat-
teaux des buandieres & les fours à ban n'eussent
porté enuie à la basse cour du Louure, pour les pas-
quin? & nouvelles qui se distribuent, toutes les ta-
bles du petit More & autres cabarets de Paris ne
seroient pas informez de plusieurs choses que ledit
seigneur

49
sieur Marechal ne croit pas estre sceuës.

Quelquefois vn sire Pierre y estant & prenant son repas dira au sire Guillaume son compere, parbleu la France est perduë, & le tout par vn faquin, & deux ou trois que tyrans que voleurs. Quelque autre bon bourgeois plus releué entrant sur les considérations apres estre sorty d'appetit entretiendra la compagnie, disant, mes amis nous auôs tout perdu en perdant le Roy, durant son regne nous gaignions, nous auions tousiours argent, il ne s'en void plus, il n'y a qu'un coyon Italien qui tient tout, *c'est vn fourbe* sans hôneur qui veut marcher coste à coste de nos Princes, & les contraindre à le courtiser, & le tout par l'advis du Duc d'Esperson, qui veut ruiner s'il peut la maison Bourbonniste, & mettre le feu & l'estrange en France, afin d'y estre Connestable. I'ay ony dire à plusieurs courtisans, estans appuyez sur ma boutique, que ledit Marechal coyon iouyst de plus de quatre millions d'or, sans y cōprendre ses offices, ses terres, ses benefices, ny les ioyaux de la Couronne, dont il possede la plus grande partie. Les mesmes courtisans disent que les meubles dudit Marechal iusques aux landiers, chalits, & tous les vstenciles de cuisine sont d'argent. Mes amis, voila nostre malheur & nostre vergongne tout ensemble, souffrant qu'un homme sans honneur, sans nom & sans qualité naturelle dispose de toutes ces charges de la Cour & des biens du Royaume. Lesdits courtisans disent encores que ledit Marechal, avec l'aide du Chancelier, soustraiët par ses tyranniques maximes l'autorité des Princes du sang, & le ministere principal des affaires du Royaume, afin qu'en leur ostant la cognoissance des mauuais gouuernemens qui se faict, il leur oste aussi le moyen de s'y opposer. Or

50
apres que ces hommes de Cour ont parlé de ces choses de consequence, ils concluent que les malheureux temps non-plus que ses tyrans ne peuuent durer en disant que Messieurs les Princes du Sang feront à la fin rauage sur les meschans, apres auoir retenu long temps par force & par necessité les regrets qu'ils ont dans leurs cœurs, & que ce seroit lors qu'ils seront esclairez & biē regardez de nostre Roy : lequel estant leur Soleil mettra leurs forces en exercices, tout ainsi que faict le grand astre du Ciel, lequel ayant eschauffé les neiges sur les montaignes les conuertit en si furieux torrens qu'ils renuersent tout ce qui s'oppose à eux, voila ce que peuuent dire ces honnestes Bourgeois, mon frere mon amy ces choses ne sont que trop vrayes en la bouche d'un chacun, quant à moy ie me veux retirer bagues sauues, & non pas dans vn Monastere, comme a faict le Controolleur general de chez la Royne nommé la Poterie: Quelques-vns disent qu'il s'est reduit à ceste austerité, pour se repentir d'auoir trop seruy aux iniustes desseins de Mr le Marechal & sa femme, & les autres disent que c'est de regret de s'estre veu si mal traité, qu'au lieu d'auoir esté gratifié Madame la Marechalle auoit exigé de luy demy douzaines d'affiettes d'or, pour quelque affaire qui ne luy auoit pas valu ledit present : certes on se fâcheroit pour moindres choses, mais cela ne m'arrina iamais : car si i'auois à luy presenter de la vaisselle, elle seroit de l'estoffe que son pere mettoit en œuvre en faisant sa menuserie : Encores que ie sois beaucoup moins curieux d'escripts que d'or & d'argent, neantmoins i'ay recueilly en ma memoire plusieurs vers en l'honneur du Chancelier, du Commandeur son frere, & de leurs adherans

51
sans y auoir oublié Montalto, ie vous les veux reciter.

L'estat de France est bien malade
Il n'est plus l'honneur des Estats,
Des estrangers, des Apostats,
Des Marans, des fils d'Ancelade,
Des larrons, & des uispeaux,
L'ont mis sous telle tyrannie,
Que pour uivre avec ces bourreaux
Il faut auoir des chers marreaux
Qu'on vend à leur Chancellerie,
De la France, ny de ses Roys,
Encores moins des Nauarrois,
Elle est d'Esp. gne & d'Etrurie,
Vne sorciere, un Bourgeron,

Ont papier, ancre, plume & cire,
Puis un Croisé, Ladre, & Larron,
Brulart, Dolé, & Bulion; (pire.
Leur liurent les sceaux & l'Em-
Ces Marines & leurs complices,
Portez par des grands Officiers,
Les partisans & creanciers,
De leurs parures iniustices,
En sont si fers encreuillés,
Qu'en donnât mainte sauegarde
Ils comparent aux fleurs de Lys,
Leurs camp. gnes leurs bois taillés
Et leurs barillets à monstarde.

Sur le portique du Commandeur de Sillery.

Au front d'un superbe portique
Ces barillets faits de nouveau
Font voir d'un ladre poil de veau
Le nom, & la Noblesse antique.
Le sculpteur ostant le clairoin

De la bouche aux deux renommées,
Le fait craignant qu'à l'environ
Elles disent d'un tel larron
Les voix & rages enflammées.

Epitaphe sur le Tombeau de Dolé.

Dolé de qui le dol auoit troublé la France
Gist quoy qu'indignement sous ce marbre estendu :
Bourreaux que vous perdez vne belle esperance,
Car dedans peu de iours il eust esté pendu.

A celuy qui se dict estre l'homme du Diogene.

Sans Diogene & sa lanterne
Tu pense estre l'homme cerché,
Mais l'on en péda, & l'on en berpe
Beaucoup qui n'ot point tât peché
Tu n'es qu'un flateur à louage,
Qu'un marchand demôteur lagage
Qu'un disciple de Bagnolet,
Tu n'es celuy que tu dis estre,

Car iamais un si digne maistre
Ne se seruit d'un sot valet.

Vn iuif enuoye de Florence,
Enquis quel onguent il vendait,
Il respoind qu'il consolidoit
Vn membre cheut en decadence,
Bon Dieu, dit un, en sousspirant,
Du conseil & de sa migraine.

*Ces maux iront. ils empirant ?
Je n'en scaurois estre garand,*

52

Car son chef est plein de gangrene.

Denteurons en là, & nous preparons l'ouye à ce que Mr le Chancelier, Bulion veut dire, le voila tout prest ce semble.

En effect ie veis ce mesme Chancelier racourcy, lequel s'estant leué, & s'estant tourné vers la compagnie il feit ce discours.

Messieurs, la modestie en laquelle Mr le Marechal a comparu en ceste belle compagnie, & le silence duquel il s'est seruy pour démentir & repousser toutes sortes d'iniures. Ce sont des vertus si rares & si vtilles qu'il y en a peu qui iouissent par elles d'une si heureuse condition & glorieuse poltronerie, estre sans maladie delicieusement couché, estre gardé & veillé, comme sont les souverains, estre le plus souuent à table, ou pour iouer, ou pour faire bonne chere, & en tout temps tirer tout le bien d'un grand pais, sans contredits & sans peril. N'est-ce pas toute la sagesse & finesse qu'on peut desirer? ouy, ouy certes, & c'est ce qui faut autant rechercher qu'on doit fuir les enragées folles de ces ieunes gens qui sont continuelles agitations en querelles hazardeuses, & lesquels manquans d'estre poltrons, manquent de toute la douceur de la vie. L'exemple d'Achil ne leur deuroit estre à mespris, ils deuroient se representer qu'il tenoit à plus grand honneur d'estre appelé poltron excellent que braue Capitaine, de necessité necessitante, un coyon doit estre riche, Aristote nous l'enseigne quand il dit,

Negotium suscipimus vt otium habeamus.

Car l'on ne se doit travailler que pour recueillir quelque bien pour apres poltroniser à l'aise, Messieurs il faut donc estudier à se faire poltron, qui veut estre estimé digne de sa vie, & dire avec un excellen-

tiſſime poltron florentin, celuy qui poſſede les biens, la fortune & les dignitez, ne doit-il pas eſtre content, & par ceſte meſme raiſon ſe peut-il pas reputer & nommer l'Empereur des poltrons, l'aage de fer fut l'aage de malheur, & l'aage d'or fera toujours l'aage heureux de la poltronnerie, Mr le Mareſchal conclud à cela, & moy auſſi pour ne violer les loix poltronneſques.

Ceſte harangue eſtant finie Monſieur le Mareſchal ſeleua de deſſus le tabourin, & dit avec vne voix tremblante ceſte douzaine de parolles, Mrs i'aduonè Monſieur le Chancelier de ce qu'il a dit de ma part; ainſi Monſieur commença briefuemēt & finiſt de meſmes: Apres quoy faiſant vne reuerence, partie du cul, partie de la teſte, il ſe vouluſt retirer avec l'aide de quelques uiſſans coyons qui le tenoient ſoubs les bras, comme on tient ordinairement les épouſées des poix pillez, ou des bourgeois de ville-Iuiſve.

Alors vn grand bruiēt ſ'eſleua dans la compagnie, & l'on entendit qu'on diſoit à haute voix qu'il falloit que Mr l'Archeueſque de Tours fit ce remerciement pour les trois ordres au chef de la compagnie, ils'y prepara auſſi toſt: mais comme il fut en poſture, & preſt à parler lediēt Seigneur Mareſchal luy tourna le derrière, & luy ſ'eſtonnant & manquant auſſi bien de parolles Françoises, que de ſubjeēt de remercier, il fit encores la beſte ſans dire mot, & ſans que ſes protecolles & protonotaires luy euſſent fait ſa leçon. Cependant pluſieurs qui eſtoient montez ſur les fenēſtres de la ſalle, par le dehors ne veirent pluſtoſt ledit Mareſchal qui ſ'en alloit apres auoir fait le coyōn, & ne remarquerent pas pluſtoſt auſſi ce digne Prelat qui n'auoit ſceu parler, qu'ils com-

mencerent à crier de tous les costez, & à diuerfes reprises, *Miaut, miaut, miaut*, faisant si grand bruiet que les vns croyoient que c'estoient les pages & laquais de la Cour qui cryoient apres maistre Guillaume, ou apres vn badin nommé le Gast, & les autres prendrent l'effroy, croyans que c'estoit le sabbat de Madame la Mareschalle qui se deuoit faire en ce lieu, & que les cris des chats y faisoient l'office des cloches: au mesme temps tout ce mode coyonnesque disparut, & mon songe que ie viens d'escrire s'esuanoit.

Or au retour de chez moy & de mon songe, d'où ie reuiens, ie pēsay qu'on attribuera tout ce que i'ay dit au refuseux mystere de moy, sous signé Guillot le Songeur. Car combien que ces choses soient très-vrayes, neantmoins telles veritez se trouueront si estranges que ceux qui les entendront ne les voudront croire que comme songes, mais en veillant ils auront tort, & en songeant i'auray eu raison.

Or François, ce n'est plus ny songer ny refuer, c'est dire la verité quād l'on recite le malheureux dessein Florentin qui a esté pendu à Amiens, pour auoir voulu empoisonner quelqu'un, ce qu'il eust fait si vn appoticquaire homme de bien en luy refusant la poison n'eust mesprisé sa vie pour auoir soing de quelque ieune François. Ce n'est point refuer, c'est vne trop pitoyable verité quand l'on apporte à la face du Ciel, le cruel meurtre & assassinat commis en la personne de feu Sr de Prouille, sergent major d'Amiens: François n'avez-vous point assez de courage pour faire perir tels assassinateurs. On les a choisis entre vn million des plus desesperes & scellerats bannis que l'Italie a iamais produict, & sans faire choix parmy tels coupe gorges, vous les deuriiez tous exterminer, l'on les tient à desseins d'homicides dās

la Citadelle d'Amiens, qui est à present l'asile des parricides assassins & Sodomites de toutes les parts du monde, & par vn autant courageux que religieux dessein, vous pouuez purger cette spelonque des monstres sanguinaires qu'elle contiēt, les notables seruices que ce braue Prouille a rendus à ses Roys, & les glorieuses blessures qui honoroient son corps sont-elles pas dignes de vostre memoire, & de vostre ressentiment.

Les Cours des Parlemens sont-elles sourdes, n'entendent-elles pas des cris generaux de France, & les plaintes qu'elle leur fait contre d'Espernon, le Chancelier, le Mareschal, la sorciere, le Commandeur, Bulion, Dolé, & leurs fatalites. De quelles personnes la vie peut-elle estre en seureté, puis que desia les parricides perpetrez au premier chef sont demeurez impunis, puis que de l'ordonnance dudit Mareschal l'on void toutes les charges vaccantes aussi tost par mort qu'il y a dessein? Quelle horrible felonnie est celle dont vse ledit Mareschal, ostant les charges & vies à plusieurs seruiteurs de l'Estat François, pour en inuestir ces criminelles & Espagnolles creatures? Quelle detestation est-ce de voir vn Migneux, vn Hoquincourt, traistres à leur patrie, se redre les meurtriers executeurs des volonteiz d'un tyran? Ces deux renegats furent les precurseurs de ce meurtre susdit: car estans allez à Amiens pour ce sujet, ils n'y furent pas plustost arriuez, & Alphonse assassinateur incontinent apres eux, que ledict Sr de Prouille fut traistreulement poignardé. François, estes-vous insensibles, ce meurtre executé, & l'autre entrepris sur le Sr de Kiberpré ne réchaufferont-ils point vos courages glacez. Ces sanglants exemples ne vous apprendront-ils point à chercher vostre sa-

Iut, & à recouurer vostre honneur dans la ruine de
ces assassinateurs estrangers, & de nos renegats qui
les accompagnent? Non, non, vous estes trop peu
amis de vous mesmes, & les maux de vos voisins ne
vous esmeuent, ny pour les secourir, ny pour vous
resoudre à vous garantir des semblables qui vous
menacent: Si vous n'avez point de cœur pour cela,
vous n'avez point aussi d'yeux pour voir les mal-
heurs qui vous approchent & environnent, & puis
bien dire,

*Veb! Veb!..... caca quam non faciunt aliēna
pericula cautam paries dum proximus ardet.*















